

Mid-Day Dogri News Bulletin, 19th January 2025

समे — 12:25

<><><><><>

PM-MKB

प्रधानमंत्री नरेन्द्र मोदी होरें गणतंत्र दिवस थमां पैहले अज्ज मन की बीत कार्यक्रम च देश विदेश च रवा'रदे लोकें कन्नै अपने बचार सांझे कीते न। इस मोके पर प्रधानमंत्री होरें सविधान सभा दी ओरिजनल डिबेट थमां 3 महान हस्तिएं दे आडियो क्लिप सांझा कीते ते लोकें गी गणतंत्र दिवस दियां अग्रिम शुभकामनां दित्तियां। प्रधानमंत्री होरें निष्पक्ष चुनां जकीनी बनाने लेई ते हर चाल्ली कन्नै लोकतंत्र गी सशक्त बनाने लेई चुनां आयोग उर बी सराहना कीती। अज्ज दे कार्यक्रम च प्रधानमंत्री होरें चला'रदे महाकुंभ मेले-2025 दा बी जिक्र कीता ते गलाया जे एह समानता ते सद्भाव दा इक अनोखा संगम ऐ। प्रधानमंत्री होरें उपग्रहें दी अंतरिक्ष डॉकिंग दी बी बड़ी सराहना कीती ते गलाया जे भारत इस सफलता गी हासल करने आला विश्व दा चौथा मुख्य बनी गेआ ऐ। एहदे अलावा प्रधानमंत्री होरें स्टार्टअप इंडिया दे 9 ब'रे पूरे होने दी बधाई दित्ती ते गलाया जे देश दा स्टार्टअप संस्कृति छड़ी बड्डे शैहरें तगर गै सीमित नेई ऐ ते अद्धे शा मते स्टार्टअप टियर-2 ते टियर-3 शैहरें थमां न। प्रधानमंत्री होरें नेता जी सुभाष चन्द्र बोस होरें गी चेता कीता ते गलाया जे रेडियो कन्नै उंदा गैहरा सरबंध हा।

<><><><><>

Amit Shah Rajouri

केन्द्री गृहमंत्री अमित शाह होरें राजौरी जिले दे बडहाल ग्रां च होई दिएं रहस्यूयी मौतें दी जांच लेई इक अंतर मंत्रालय टीम दा गठन करने दी घोषणा कीती ऐ। गोरतलब ऐ जे बडहाल ग्रां च हुनै तगर 16 लोकें दी कुसै रहस्यमयी बमारी दे कारण मौत होई गेदी ऐ। अंतर-मंत्रालय टीम जेहदी अगुवाई गृह मंत्रालय करा करदा ऐ। अज्ज बडहाल दा दौरा करग। इस टीम च सेहत, राई-बाई, रसायने ते हैल ते पानी सरबंधे साधने-स्रोतें दे मंत्रालये दे विशषज्ञ रखे गेदे न। टीम दे सदस्य, स्थानीय प्रशासन कन्नै मिलियै प्रभावत परोआरें गी फौरी राहत पजांगन ते भविक्ख च इयै नेह हादसें कोला बचने आस्तै एहतिआदी उपाह लागू करगन। तोआई उपराज्यपाल मनोज सिन्हा होरें गृहमंत्री शाह हुंदा विशेष जांच टीम दे गठन लेई ते उसी राजौरी दे बडहाल ग्रां भेजने लेई धन्नबाद कीता ऐ। तोआई जम्मू कश्मीर पुलस

आस्सेआ इक विशेष जांच टीम दा गठन कीता गेदा ऐ। जेहड़ी हाल च होइ दिएं मौतें दे सराबंदे च किश संदिग्धें थमां पुच्छ-गिच्छ करा'रदी ऐ।

<><><><><><>

MoS Rail Services

केन्द्रीय मंत्री डॉ. जितेन्द्र सिंह होरें इस गल्ला दा आश्वासन दित्ता ऐ जे कटरा ते श्रीनगर बश्कार तौले गै रेल सेवा शुरू होई जाग ते एहदे राएं क्षेत्र च संपर्क राबता होग, निगगर बनी जाग। लम्मे चिरे थमां भलगी जा'रदी परियोजना जेहड़ी जम्मू रेलवे स्टेशन उप्पर जरूरी रख-रखाव ते मुरम्मत सरबंदी कम्में कन्नै अगगे बघा'रदी ऐख ओंदे 5-6 महीने च मुकम्मल होई जाग ते एहदे करी रेल यात्रिएं गी बड़ी मती सुविधा हासल होग। एहदे मुकम्मल होने मगरा। जम्मू कश्मीर दे बुनियादी ढांचे दा होर मता विकास होग ते क्षेत्र च आर्थिक विकास ते सैलसफा गी बढत्रावा मिलोग। केन्द्रीय मंत्री होरें कल प्रधानमंत्री नरेन्द्र मोदी हुंदे आस्सेआ वर्चुअल ढंगा कन्नै स्वामीत्व संपत्ति कार्ड वितरण दे मौके उप्पर एह गल्ल आख्खी। तोआई केन्द्रीय गृहमंत्री अमित शा होरें कठुआ जिले गी स्वामीत्व संपत्ति कार्ड दा सब्बने शा मता हिस्सा देने लेई प्रधानमंत्री मोदी हुंदा धन्नबाद कीता।

<><><><><><>

Posters Released

जम्मू कश्मीर पुलस नै किश्तवाड़ जिले च 4 सक्रिय उग्रवादिएं दी तस्वीरां जारी कीतियां न ते इनें चारें उग्रवादिएं दी पुख्ता जानकारी देने लेई 5-5 लख रपे दा इनाम देने दी घोषणा कीती ऐ। इनें उग्रवादिएं दी पंछान सैफुल्लाह, फरमान, आदिल ते बाशा दे तौरा पर कीती गई ऐ। इनें चौनें उग्रवादिएं दी तस्वीरां उर्दू ते अंग्रेजी च छापे गेदे पोस्टरें राएं जारी कीतियां गेइयां न। पुलस नै आम लोकें गी इंदे बारे च हासल कुसा बी जानकारी गी फौरी तौरा उप्पर सांझा करने लेई गलाया ऐ ते जानकारी देने आले दी पंछान गुप्त रखी जाग।

<><><><><><>

Special Services Mahakimbh

जम्मू कश्मीर रोड ट्रांसपोर्ट कारपोरेशन नै महाकुंभ मेला 2025 लेई जम्मू ते प्रयागराज बश्कार इक विशेष बस सेवा शुरू कीती ऐ। राजाना चलने आली विशेष बस सेवा कल थमां शुरू करी दित्ती गई ऐ। ट्रांसपोर्ट मंत्री सतीश शर्मा होरें इस विशेष बस सेवा गी हरी झंडी

दरिससयै जम्मू बस स्टैंड थमां खाना कीता। एह विशेष बस रोजाना जम्मू थमां खाना होआ करोग। यात्री अपनी टिकटें दी बुकिंग ऑनलाइन पेमेंट दे राएं करी सकदे न। तोआई उत्तरी रेलवे नै बी महाकुंभ जाने आले यात्रुएं दी सुविधा लेई श्री माता वैष्णो देवी कटरा ते प्रयागराज बश्कार 3 विशेष ट्रेनां चलाने दी घोषणा कीती ऐ। पैहली ट्रेन 24 जनवरी गी माता वैष्णो देवी कटरा स्टेशन थमां बडलै 3 बज्जियै 50 मिनट उप्पर चलोग। 25 जनवरी गी वापस परतोग। दूई ट्रेन 7 फरवरी ते त्रीह ट्रेन 14 फरवरी गी कटरा थमां बडलै 3 बज्जियै 50 मिनटे उप्पर ते प्रयागराज थमां साढ़े 7 बजे 8 ते 15 फरवरी गी प्रतोंगन।

<><><><><><>

Weather/Highway

मौसम विभाग नै कल 20 ते फही 21 जनवरी गी बी प्रदेश दिएं टांमी टांमी थाहरें पर हौली बरखा बरने जां बर्फबारी दे असार दस्से न। मौसम विभाग मूजब 22 ते 23 जनवरी गी जम्मू संभाग दे पदरें इलाकें च हौली थमां दरम्याने दर्जे दी बरखा बरी सकदी ऐ ते केई उच्चे पहाड़ी इलाकें च बर्फबारी दी बी मेद ऐ। तोआई जम्मू-श्रीनगर राश्ट्री जरनैली शिड़क एनएच-44 पर गड्डिएं दी आओजाई दौनें बक्खी दा बवस्था आहले ढंग्गै'नै जारी ऐ। ऊआं लोकें गी एह सलाह दित्ती गेई ऐ जे ओह अपनी-अपनी लेन च पूरे अनुशासन कन्नै गड्डी चलान ते दिनै दे बेल्ले गै सफर करन। तोआई राजौरी ते पुंछ जिलें गी कश्मीर घाटी दे शोपियां जिले कन्नै जोड़ने आहली ऐतिहासक मुगल रोड केई थाहरें पर भारी बर्फ किट्टी होने करी अजें बी गड्डिएं दी आओजाई लेई बंद ऐ।

<><><><><><>